



寧靜閣三集

國詩史略

四

~ 16
179
10



門 16  
179  
卷 10



國詩史畧叙二千八百  
我瑞穗之國縱橫六萬里上下  
三千丰欲網羅其盛衰治亂之  
蹟於區區小詩中多遺漏踈脫  
可知矣雖然百風氣之升降世

詩史畧

序一

詩史畧

# 國詩史畧

態之變遷以逸文運之興廢與  
夫 聖主賢相忠臣義士英雄  
豪傑之成敗得失或述之叙事  
或發諸議論賡穿馳騁細大靡  
遺式之括之二十八字凡二百

有餘皆庶幾足使小子後生瞻  
於國事者吟詠諷誦以為他日  
讀全史之道也與蓋詩文之道  
譬諸瑞穗之精炊而為飯文之  
實也釀而為酒詩之華也然飯

之用止於可以飽耳酒則可以  
 醉可以歌可以歡笑而起舞則  
 文之實有時乎不若詩之華也  
 是余位詩史畧之本志讀者其  
 亦諒其婆心可也

慶應丁卯嘉平月

磐溪老人平宗識



明治五年歲在壬申春三月書於  
 天京宮次 鎮鼎山進留日榮





帝天照大神五世孫也生而明達意確如也三十一國號秋津洲

崇神帝朝一首武帝天漢四年

無為九世仰堯階傳到瑞籬文武開四道將軍

巡察遍威靈始見任那來

自神武十傳至崇神遷於磯城曰瑞籬宮十年始置將軍於四道任那始入貢

聖仁帝朝三首元武建武元年

君王枕膝睡哈噎為怨吾兄暗淚催自有妾心

通帝夢錦蛇繞頸兩方來

皇后兄狹穗彥謀反授后七首圖之后慈懼交至波落帝面帝驚寤曰朕夢云云后

告實曰錦蛇七首雨乃妾淚已帝曰是非汝罪也命將討狹穗彥皇后與兄俱焚死

何物力人誇絕倫雲州野見獨爭衡朝天一蹶

奚其速成此當場蹶速名

當麻蹶速與野見宿禰角力於御前蹶速折其脇骨而斃朝廷有相撲儀始于此

一洗生理蹄哭風象又土偶奏奇功只言作備

竟無後傳到千年管相公

帝三十二年野見宿禰獻土偶代殉死按管公野見氏裔

景行帝朝二首

元年辛未即後漢明帝永平十四年

赫怒手加黃鉞誅不恭熊襲距邦初得非餘賊

表心服來獻西溟赤腹魚

十二年筑紫熊襲叛帝親征誅其巨魁餘眾咸降海人始上腹赤魚

萬里東征奏凱回碓氷嶺上遠洋開投身激浪

知何處腸斷吾妻喚不來

四十年東夷叛帝遣皇子日本武代征路逢暴風妃橘姬投海而死風乃止

仲哀帝朝二首

元年壬申即後漢獻帝初平三年

錦盞迎拜丈夫裝一片降旗我武揚不恠三韓  
容易服胎中負鞞有天皇

神功皇后征新羅路生皇子腕肉如鞞名曰譽田又稱胎中天皇

滿載綾羅爛似山西藩歲貢八十船何知當日

封珍寶圖籍文書收得還

新羅王迎降后進國都封重寶府庫獨收圖籍文書而還我邦傳文字蓋始此

應神帝朝三首

元年庚寅即晉武帝泰始六年上距神武八百二十八年

怡怡色養只承顏母后垂簾馭九寰六十餘年

皇太子曾無嫌隙見其間。

帝生三歲為皇太子七十一歲乃即位。在儲位蓋六十七年。

淳龐漸散運將中八百餘年太古風不獨東韓

獻論語勾吳遙貢織縫工。

十六年百濟王仁來獻論語千字文。吾邦傳經典始此。

驚恠萋兮誤聖聽五朝元老殆蒙刑誰將肖貌

代君死成就大臣三百齡。

武內弟甘美內誣兄以謀反帝遣使殺之有真根子者愍其忠代死武內詐寬釋之

仁德帝朝二首

元年癸酉即晉愍帝建興元年

三年讓位意何公孤竹弟兄名欲空却愛遠人

歌頌好臘梅春發浪華風

皇太子稱即子與兄大鷦鷯相讓三年太子知其志不可奪自殺兄乃即位。韓人

王仁作和歌以頌之開耶木華歌即是

卑宮薄食勸農耕一旦登高無限情萬竈炊煙

接天起午鷄聲裡覺春生

或云登高臺歌後人追頌之詞非帝御製余未決其是否



履中帝朝一首

元年康子即東晉安帝隆安四年

龍舟晴泛市磯風。一片花飄御盞中。寒節逢春

亦天意。遷都新造稚櫻宮。

帝遷都警余是冬宴圍池花墜杯中帝疑其非時侍臣得花枝以獻帝悅名宮稚櫻

允恭帝朝一首

元年壬子即東晉安帝義熙八年

予是天生篤疾人。温温克讓泣群臣。忍妃捧水

凍將死。呼返明香宮裡春。

忍妃即忍坂大中姬帝即位於遠明日香宮

安康帝朝一首

元年甲午即宋孝武帝孝建元年

昏惑誤誅皇林初。奪妻為后計尤踈。合而得反

何容易。七歲眉輪游戲餘。

皇林即大草香皇子帝信讒殺之又納其妻中帝姬為皇后眉輪王大草香之子

雄畧帝朝一首

元年丁酉即宋孝武帝大明元年

君王嗜殺擅狂威。自有英明悔昨非。一諫同車

游獵樂山豬并獲善言歸。

帝獵葛城山野豬突至命舍人刺之舍人怖而避之豬觸帝蹴殺之將斬舍人皇后

國言史畧卷上 五

諫曰以獸殺人無乃不可乎帝欣然曰獵者獲禽朕獲善言樂哉遂與后上車而歸

清寧帝朝一首

元年庚申即齊高帝建元二年

不輕殺戮不荒禽獲粟官成帝德深親錄囚徒

察風俗生來白髮愛民心

帝生而白髮及長愛民遂即位於薊粟宮

顯宗帝朝二首

元年乙丑即齊武帝永明三年

弟兄遜位歲過三三計相推更美談他日重熙

聖天子稚郎死讓豈無慚

平顯宗諱彧計仁賢諱億計

非讐是后偶相忘悲父念深迷大綱吐吐將為

伍員續阿兄一諫泣天皇

顯宗悲父非命欲毀雄畧陵仁賢固諫而止

繼體帝朝一首

元年丁亥即梁武帝天監六年

北鄙羈人帝室疏尊嚴正色入宮初前朝敝政

居然改致意農桑萬姓蘇

帝應神五世之孫先帝崩無嗣大臣定策迎帝於越前立之即位之初詔勸農桑

宣化帝朝一首 元年丙辰即梁武帝大同二年

千載鐘情佐用媛化為負石豈虛文幾度登高

瞻望遠領巾麾盡任那雲

帝二年新羅侵任那遣狹野彥等援之其妾佐用媛悲不自禁登山望之遂化石云蓋望夫石之類

欽明帝朝二首 元年庚申即梁武帝大同六年

金像齋來百濟王贊稱佛德說無量倉梯飛禍

平城穢遺毒昭然日月傷

並聽兩議斷公平皇帝之明真箇明焚滅伽藍

投佛像笑看梁武餓臺城

帝十三年百濟王明始獻釋迦金像及經論曰此法能生無量無邊福德果報帝盜群臣蘇我稻目進曰宜尊禮物却尾輿等曰今并著神恐致國神遣怒帝遂從尾輿等議投佛像於難波堀江悉焚伽藍按梁武帝殂於帝十一年距佛法入於我邦僅二

崇峻帝朝一首 元年戊申即隋文帝開皇八年

佛法東來王業衰當時惑溺孰其魁千秋遺恨

紆機會不斫豬頭絕禍胎

帝惡馬子驕縱欲加殺戮以其與廐戶俱好佛交厚故固諫而止會有馱山豬帝指曰安得斷朕所惡頭如此

推古帝朝二首

元年癸丑即隋文帝開皇十三年

謾道豐聰耳有神一時訴訟聽十人如今攝政

兼無眼逆賊居然位大臣

是為女主之始推古之立也不親萬機命皇太子廐戶攝政馬子以與太子善其並如故大臣

瞿曇懲惡亦非私太子聰明知不知弒逆諉之  
過去報十條憲法欲何為

按憲法六曰見惡必匡十一曰宜明賞罰皆非太子自罪之言乎

皇極帝朝三首

元年壬寅即唐太宗貞觀十六年

斑鳩自縊立慈悲蘇賊志成威福移泉下上官

應謝佛黨奸業報在吾兒

皇孫山背王入斑鳩寺為廐戶子孫於是悉絕子弟妃妾俱縊而死廐戶子孫於是悉絕趨陪蹴鞠鞠將飛靴脫匆匆跪奉之他日同心

戮妖鹿深沈定計是斯時

鑣足欲與中大兄俱舉事未有由偶陪其蹴鞠遂得親近以相濟焉

天威咫尺九賓列奉表舞陽振恐初殿前斫賊

何其快不似荊卿劍術疎

帝四年六月韓使入貢中大兄與鑣足合謀誅入鹿於鰲座之前按石川麻呂讀表文手戰聲顛頗似秦舞陽

孝德帝朝一首 元年乙巳即唐太宗貞觀十九年

大化紀元年號初良規懿範不勝書仰欽宸是

王言富自正正人何藹如

是為年號之始二年戒諸國曰凡欲致治者當先正己而後正人如不自正何能正人可

不慎哉

齊明帝朝一首 元年乙卯即唐高宗永徽六年

武尊田道再長驅未見蝦夷歸叛圖一蹴羊蹄

侵肅慎破天荒在北羅夫

帝五年遣阿部比羅夫再討蝦夷進至肉入籠以後方羊蹄為政所置郡領遂伐肅

慎虜四十人歸

天智帝朝二首

元年戊辰即唐高宗總章元年

退讓恬然避下風。回天偉業跡將空。却裁制度

定朝典。景仰中興滋賀宮。

曾戮元兇安九重。制儀定律翼中宗。槐門世福

藤家祖。千古雲高多武峯。

帝歷孝德齊明二朝在儲位十餘年若將終身母帝崩尚素服稱制六年而登祚其

無所利之心蓋天性也大織冠鑣足公與之戮力協心以成中興之業蓋君臣遭遇

今古無二者非耶

帝大友朝二首

元年壬申即唐高宗咸亨三年

風骨非常眼射人。老翁捧日夢中文。何圖巨猾

來伺隙。一舉兩分天下雲。

帝為人魁偉眼光射人嘗夢有朱衣老翁捧日授帝有人奪去鑰足歎曰恐有巨猾

來伺隙乎帝嘗待宴獻詩曰皇明光日月帝德載天地三才並泰昌萬國表臣義

述懷曰道德承天訓鹽梅寄真宰羞無監撫術安能臨四海是為吾邦詩賦之始

放虎南山翼忽生。傷心寧忍說壬申。誰將燕棣

來倫擬。只決兵機不殺人。

石原隱居

世謂之壬申之變  
燕隸即明太宗

文武帝朝二首 元年丁酉即唐中宗嗣聖十四年

百濟王仁阿直岐曾傳經典入京師。聖明今日

禮文備。大學新脩釋奠儀。

阿直岐王仁之來在應神朝帝大寶元年二月丁巳始釋奠於大學寮蓋距應神十

六年九四  
百十七年

棄家去入葛城山。巖窟鍊形三十年。汲水採薪

皆鬼役。扶桑有箇一飛仙。

帝三年五月流役小角於伊豆島後  
逢赦得還復以鐵鉢盛母淨海往唐

元正帝朝二首 帝養老元年丁巳即唐玄宗開元五年

賑恤。博鯨表孝貞。宵衣旰食濟蒼生。洋洋養老

雍熙化。不愧女中堯舜名。

元明元正二帝內行端潔  
和煦及物蓋女主之良也

鞭策行春。替有秋。誨吾子弟。殖田疇。先勞後逸

與人誦。東里亡來道筑州。

道館名為筑後守教替耕種時時按行不  
遵教者謹責之老少皆怨然至收入莫不

卷之十一

悅服及卒  
百姓祠之

聖武帝朝二首帝神龜元年甲子即  
唐玄宗開元十二年

只脩宮室不窮兵。聖武心殊漢武情。糜爛陳陳

太倉粟。半身大佛卅年成。

自佛法入我邦百七十餘年  
天子崇奉其教者實自帝始

妖僧說法煽滌風。儒士巧持胡廣中。欲斬二姦

除弊事。臣愚五笑豈愚忠。

太宰少貳藤原廣嗣深惡僧玄昉又與吉  
備真備不協上表陳時政得失其五曰臣

請賜尚方劍  
夷二盜帝不納

孝謙帝朝六首帝天平勝寶元年己丑  
即唐玄宗天寶八年

遣唐奉使謁玄宗。天寶歸來勝寶中。慣見祿山

亂宮掖。醜聲聞外變如充。

天平勝寶六年遣唐副使吉備  
真備至自唐明年安祿山反

何心釋奠祭宣尼。表孝旌貞亦若為。忍見滿朝

無氣節。百官相率拜禪師。

天平神護元年以僧道  
鏡為大政大臣禪師



肯教妖鏡穢吾名。擎日精忠神亦驚。自有嚴師路豐永。高風早學伯夷清。

和氣清麻呂奉使宇佐八幡也。路豐永謂清麻呂曰。道鏡若登天位。吾當從伯夷而

游耳。蓋激之也。

感動人神震八埏。和公直節上衝天。遙遙西海

處流後。也有分封藤百川。

清麻呂之流大隅參議百川。愍其忠烈。割封二十戶給之。

遇赦還京亦是天。妖僧謫死定何邊。老來鑿水

通民利。百里攝提來去船。

延曆中。清麻呂為攝津大夫。河攝之界。鑿川築堤。西通於海。民賴之。薨年六十七。

奉使唐朝誰最雄。折衝尊俎有斯公。含元殿上

賀正日。大食新羅趨下風。

大伴古麻呂

光仁帝朝四首

帝寶龜元年庚戌。即唐代宗太曆五年。

滋賀中興天意存。壬申成敗且休論。天潢別派

七朝盡。正統終歸天智孫。

孝謙帝崩無嗣大臣定策迎施基皇子  
子白壁王立之實天智帝之孫也

朝衡留學果何為擬向海西詞藻開賺得唐家

秘書監青蓮摩詰闔清才

阿倍仲麻呂為留學生入唐改姓名曰朝  
衡玄宗授秘書監故又曰秘書監也

託身異域五十年榮貴思歸無復緣三笠山頭

一輪月長留絕唱在東天

帝元年仲麻呂  
死於唐年七十

身立本朝稱帝師宮闈穢德茂聞知楚材晉用

晁書監也勝備公危不持

六年右大臣真  
備薨年八十三

桓武帝朝三首

此凡一千四  
百四十年

帝延曆元年壬戌即唐德宗  
建中三年按自神武紀元至

三十六峯嵐翠明一條鴨綠繞皇城自從奠鼎

平安地萬古無人問重輕

帝十三年遷都於山背詔曰山背為國山  
河襟帶自然作城宜改作山城士民謳歌  
稱平安宜從之遂  
為萬世不遷之都

延曆中堂枕鴨河樓臺倒影落晴波南朝四百八十寺不及三千子院多

鬢如金線眼如準鎮壓東邊膽澤城塚墓餘威

尚鳴動立身棺底護皇京

坂上田村麻呂薨於弘仁二年賜墓地三町使其屍立棺中向平安城而葬之後國冢將有事則其墓鳴動云

嵯峨帝朝二首

帝弘仁元年庚寅即唐憲宗元和五年

御墨淋漓鳳勢騰弘仁宸翰古來稱誰知變格

難儔處自有青龍五筆僧

僧空海口及左右手足挿筆並書世稱五筆和尚

棲林幽鳥逢春澤隱澗寒葩帶日光正是山莊

賞花宴恩霑才藻內親王

有智子內親王十四年二月帝幸其山莊內親王探韻賦詩曰寂寂幽莊水樹裡仙輿一降一池塘栖林孤鳥識春澤隱澗寒花見日光泉聲近報初雷響山色高晴暮雨行從此更知恩顧渥生涯何以答穹蒼時年十七帝大褒賞之授位三品又書御製詩賜之

文德帝朝二首 帝仁壽元年辛未即唐宣宗大中五年

中古文章屬阿誰。野篁才調冠當時。可無老杜

驚人句。一字空爭白俗詩。

帝嘗示篁一聯曰閉閣唯聞朝暮鼓登樓遙望往來船篁曰遙作空更妙帝笑曰此

樂天句本作文空聊以試卿爾

通明才在濟生民。幽恠何曾惑鬼神。一掃巫妖

開水利。西門豹後有斯人。

美濃介藤原高房

兩清和帝朝四首 帝貞觀二年庚辰即唐懿宗咸通元年

晝日一齋三戒持。萬機之政棄如遺。暗中只恐

金甌缺。外戚強梁權下移。

帝深信佛法未三十去天位政刑之柄一委之藤原氏三日一齋不御鹽豉古今又

主之奉佛未有如帝精練薰脩者也

撫循兩備豈無人。恩信感民誰及君。姦盜改心

來自首。封將賊絹送移文。

備中守藤原保則

吾慕貞觀國宰臣。推誠化物最堪親。愛才兼有知人鑒。風采依稀東漢人。

其在讚岐管原道真代為守保則語曰吾見其志恐非明哲保身之士後果如其言

牧民用緩攘夷猛。掃蕩邊塵奏偉功。要識恩威兼行妙。將才先薦野春風。

保則晚為出羽權守與小野春風討平夷虜邊境無復風魚之警識者偉焉

宇多帝朝三首。帝寬平元年己酉即唐昭宗龍紀元年

兩朝伊霍託元勳。無乃貪權固寵臣。咄咄阿衡

無職掌。放他厩馬做閒人。

仁和三年以藤原基經為關白。關白職始此。

拔擢老成脩典刑。商周治具在朝廷。紫宸障子

圖賢聖。便是天皇黼宸銘。

寬平二年昭宣公薨帝謀抑藤原氏權擢管原道真大用之嘗命畫工金岡圖殿

周以來名臣像於紫宸殿障子其勵志如此

萬機餘暇足吟遊。殿敕金岡畫藻流。更向詞林

補佳典。十三夜月賽中秋。

吾邦九月十三夜賞月與中秋同其盛實始於帝

醍醐帝朝五首

帝延喜元年辛酉即唐昭宗天復元年

仁德遺風延喜慈。勵精能使萬民肥。温言挾纒人皆感。何況寒宵脫御衣。

調理和羹助廟謨。儒門台鼎古來無。可憐末路

青蠅點。終被藤家紫奪朱。

延喜元年貶右大臣道真為太宰權帥蓋藤原時平等讒之也

孤月秋寒紫海風。從容歌詠樂天終。恠逢雷雨

復官爵。豈有啣冤管相公。

管公在筑紫九月十日賦詩曰去年今夜侍清涼秋思詩篇獨斷賜恩賜御衣今在

此捧持每曰拜餘香

藤榮管辱可如何。紈袴儒紳自異科。若把平生論得失。右流左死不爭多。

時平與道真並為左右大臣道真被貶時平薨時有右流左死之語

管公去後數儒門。實用抱才三耀存。振起紀綱修版籍。洋洋封事五千言。

咬齋園七種 國詩史畧卷上 石原隱居

三善清行字耀配其姓又稱三耀其意見封事陳便宜十二事大要不過張紀綱修版藉以復物力云

朱雀帝朝二首 帝天慶元年戊戌即五代晉高祖天福三年

帝王神器有誰移。笑殺新皇舉事癡。準擬周公求士急。吐餐握髮引人嗤。

黃雞鬪散滅埃塵。野馬臺高萬古春。畢竟神州一妖物。翰音登極更何人。

天慶元年平將門反建都於下總務島置文武百官備號新皇世謂之天慶之亂

將門酉年生 易中孚上九 象曰翰音登于天何可長也

村上帝朝三首 帝天曆元年丁未即五代漢高祖天福十二年

欲知天曆勝前朝。萬乘屈尊詢下僚。主殿夜深多燎燭。率分堂外草蕭蕭。

按多燎燭劇務至夜也 堂外生草租入少輸也

聖作清新韻致深。管生得得是何心。曉園試聽宮鶯轉。竹裡爭如御柳陰。

帝嘗與管原文時賦宮鶯轉曉光帝詩先成曰露濃緩語園花底月落高歌御柳陰

大英園七種 國詩史畧卷上 十九 石原隱居

文時曰西樓月落花間曲中殿燈殘竹裏音帝問其優劣不荅強之乃曰臣作犯帝座升一等

文物延天仰兩朝管公遺韻未全消一章封事

論三敝欲補便宜十二條

文時管公孫也其封事一曰禁奢侈二曰停賣官三曰不廢鴻臚館便宜十二條即言清行意見封事

冷泉帝朝一首帝安和元年戊辰即宋太祖開寶元年

至尊呼院是何稱臣子衷情痛不勝誰續三船

經緯筆列朝謚號奉山陵

字多以來無謚冷泉而後不稱天皇但安德後醍醐二朝以亂離故不奉院號是可謂幸者欵

一條帝朝三首帝永延元年丁亥即宋太宗雍熙四年

君王儒雅愛閨秀太似謝家爭絮鹽未了香爐

峯雪詔御前褰起水晶簾

清原元輔女少納言

遷轉中書儘自優雄才博學未堪酬扶桑果被



浮雲掩遺物蕭然有免裘

無明親王世謂之前中書

清才早已負文名恬退戴君殊有情前後中書

孰優劣具平未必減東平

具平親王世謂之後中書王嘗題橋

正通遺編曰文華留作荆山玉風骨消為

萬里塵未會茫茫天道理滿朝朱紫彼何人真清才也

三條帝朝一首帝長和元年壬子即宋真宗大中祥符五年

欲廢天皇立外孫舅家威焰可當難忍聞銀海

明將涸更進太醫金液丹

御堂關白道長

後一條帝朝二首帝寬仁元年丁巳即宋真宗天禧元年

一家三后虎相臣跋扈將軍或後身最是上東

門第宴月團無缺謾驕人

關白歌曰此世遠波我世登曾思布望月乃故多留事毛無登思邊波

容媚權門繁有徒賢哉右府獨持扶依然正色

安天子妾婦裝中見丈夫

交梨園之種 國寺北畧集 卅一

藤原實資實資為人剛直不附權貴時人號曰賢右府

後冷泉帝朝二首帝永承元年丙戌御五

蕩盡厨川鐵蒺藜漲天神火卷風靈可憐長狄

專車骨六郡山河無處埋

陸奧守源賴義天喜五年安倍賴時伏誅康平三年貞任伏誅世謂之前九年

役之

鳳詔銜來向虎狼百場苦戰十三霜連連執訊

安安馘遺跡空留耳納堂

賴義卒東征之役歸京建堂於六條坊門址埋所獲敵賊之餘名曰耳納堂

後三條帝朝四首帝延久元年己酉即宋神宗熙寧三年

拜跪焚香禮北辰悔吾踐祚欲云云奮髯一躍

登天位肯許權臣巧舞文

升年積憤一時伸駕馭藤門跋扈臣春日神威

今日盡掀髯呼返拂衣人

匡回衰運動勃然興延久剛明信有徵自抽簾竹

截為準一定量平宣旨并

皇朝詩林 卷之十 國言 史略 卷之十

帝在東宮二十三年在位僅四年以多病讓位皇太子明年遂崩天下莫弗痛惜焉  
藤原賴通曰帝而早崩我邦之不幸莫大焉

侍讀春宮十五秋一朝出守挽難留州民縱發

甘棠詠莫忘多年風月遊

藤原實政為春宮學士十五年帝親信之相歡如朋友其出為甲斐守帝賦詩餞之

轉結即帝成句

白河帝朝二首 帝承曆二年戊午即宋神宗元豐元年

愛賞憎刑獨自專無端收得相門權君王不省

民心改不怨藤家去怨天

自書金字大藏經法勝寺前雲欲暝幾慶落成

逢帝怒一盤囚雨下幽囚

時人謂之雨禁獄

掘河帝朝五首 帝寬治元年丁卯即宋哲宗元祐二年

班荆對坐說中情露滴鐵衣山月明幾曲寶笙

傳秘訣餘音嫋嫋徹天清

新羅三郎義光

皇朝詩林 卷之十 國言 史略 卷之十 廿三

勿來關外好風吹。與賊亂平何日歸。滿路落花埋不盡。殘紅猶逐馬蹄飛。

老從江帥學兵機。今日東征覺昨非。立馬邊城知有伏。水禽欲下忽驚飛。

三年敵愾志纔酬。其奈貂蟬輕曹叅。不把官符下私鬪。路旁空弃二酋頭。

八幡太即義家武衡家衡斬之世謂之後三年之役。耽戀詩歌與管絃。委權武弁鎮東邊。流人他日

傳飛檄爭戴源家。豈獨天秦布豈獨天秦布

崇德帝朝一首帝天治元年甲辰即宋徽宗宣和六年

稚女牽衣蹴墜床。決然削髮去無方。翩翩濁世

好男子。託跡歌僧占一場。

佐藤憲清 憲史作義

後白河帝朝一首帝保元元年丙子即南宋高宗紹興二十九年

保元輕舉誤君臣。師出無名况悖倫。欲啓金滕

問心事。夢中重祚禱何神。

吟苑圖七種  
國言史畧卷上  
石原隱居

保元之亂

二條帝朝八首 帝平治元年己卯即南金朝宋高宗紹興二十九年

破他賊膽却招辜。窘逼堪憐素志孤。慎始棄終

深意在明皇并奏祿山圖

藤原通憲薙髮稱信西通憲圖唐安祿山事實以進覽且曰唐玄宗近世之賢主

也然而慎其始棄其終伏望披此圖慎政教之得失然則不止以信賴比祿山其意

專在諫帝也

朝士濫刑未免私。宮人變奏亦徒為。天文推步

知何用算盡生理入穴時。

肯使元光擅主張。衛門意氣膽堂堂。昂然直坐

朝班上。束帶當頭笏有光。

左衛門督藤原光賴 賊信賴欲乘間殺光賴所執笏有光信賴畏而不敢發

掉將口舌挫兇威。翻轉勤王向背機。老境秋高

桂里月。香風動影上吟衣。

光賴後居桂里世稱桂大納言

赤幟飄風白旆斜。郁芳門外戰如麻。三語果能

國言史畧卷上 廿五

平國賊平安平治屬平家

營故人孤亦一奇非關佞佛好慈悲短身湮齒

十三歲可忍風丰似阿兒

清盛後母池禪尼

漫天雪撲笠檐飛相抱相携行道遲誰向呱呱聲裡辨吞牛氣在第三兒

義朝妾常磐

果然鞍馬稚牛兒殲滅平家靡孑遺末路芳山衝雪走記麼隨母出都時

三高倉帝朝八首 帝嘉應元年己丑即南宋孝宗乾道五年

為是君王詞藻優仕丁亦自解風流幾枝折去煖村酒未害林間紅葉秋

風流不讓海棠顛至性感神花壽延夜夜艷毒三七日香雲暖處擁春眠

藤原成範信西之子也性愛櫻花移芳野山櫻環植宅畔嘗禱神延花壽花為不萎

口美園七和  
石屑隱居

者三十七日帝愛其風流  
賜書曰櫻町中納言

何獨經筵啓沃功學兼今古折其衷表章曾釋

中庸句不待淳熙朱晦翁

大外記清原賴業  
業所表唯中庸無大學也

八郎死去海茫茫留得源家一派光今日琉球

三十島祖宗猶仰舜天王

鎮西八  
郎為朝

相公權勢有誰加揚扇招回紅日斜應是藤門

強弩末傾將威福府中平家

平相國  
清盛

至誠諫感阿翁頑也似烝烝不格姦末路何心

忘愛日慙慙所死向熊山

小松內  
府重盛

蓬壺驕溢見幾遲却有前王後佛知早及秋風

吹未到去歌何草不黃詩

舞妓祇  
王阿佛

國寺尺卷卷七 井七

國言史略卷上 石原隱居

濡髮人眠燭影沈。不知鮮血迸孤衾。暗中賺去  
狂童手。白得青天皦日心。

源渡妻 袈裟

安德帝朝十七首

帝養和元年辛丑即南宋孝宗淳熙八年

鼓動諸源占俠魁。莞川力戰亦雄哉。可憐射殺  
恠禽手。不掃暗中流矢來。

源三位 賴政

誰激英雄復父讎。儒門不逞搢紳流。寧知墮落

僧文覺。感動懷中枯鬪髀。

白旆連天簇虎貔。西軍夾水暫相持。弱平不用

強弓弩。驚起羣禽走赤旗。

遷都爭道福原便。誰測相公迷是非。獨有通才

藤大辨。片言啓發悔心機。

左大辨藤原長方

福原狂暴北條奸。何代能無悖逆臣。板屋三間  
牢御所。如何絕島石門貧。

國言史略卷上 廿八



國言史考卷上

攝洋驚浪始稱平萬石埋經一島成狂後留名

攝津輪田碕地勢險惡漕運甚艱清盛憂之命寫一切經於石沈以填之而功成名

唯此舉應呼淨海小長城

已分鴻毛一死輕孤川回騎欲何行鏗鏜挾得

曰經島行旅便之

自家集要託歌人留姓名

薩摩守忠度後俊成撰千載集取其故鄉花一首曰連也滋賀乃郁波荒仁志遠昔奈加羅乃山櫻加奈

四絃彈罷却咨嗟忍把寶槽沈海沙果是後來

盲目者哀音幾曲演平家

皇后宮亮經正

守川先渡是高細落後鐵驪空奮驤誰識英雄

攬心妙不將池月付源郎

佐木四郎高細源郎言源太也

駿馬龍鍾仆在坡栗津戰死淚滂沱將軍有勝

重瞳處不道虞兮奈若何

校藥園七種 國寺史考卷上 廿九 石原經子

口美... 臣言... 不... 隱...

旭將軍 義仲

揚鞭直向後門來。俯視城中闕若雷。輕騎三千

約人馬。曾鞍相觸下崔嵬。罵成豬突彼何知。船櫓空爭順逆機。三日海程

九郎判官 義經

呼吸際排空激浪卷帆飛。自從西討出邊陲。曝骨沙場素所期。感泣將軍

功德大營埋并贈大夫驪。

奧人 佐藤嗣信戰死於八島 大起驪 即義經所騎名馬名

單騎橫弓立海阿。千軍萬馬喚如何。掠空命中

那須餘一宗隆

扇頭日搖曳。餘紅落碧波。一箭功名八島春。水軍感歎陸軍親。却嫌絕技

不堪癢。枉射船頭狂舞人。事見平語弓流條 按朱用純曰凡事當留餘地得意不宜再往其餘一之謂故幾搏東兵向海投。能州驚力世無儔。難何短將

交葉園... 國寺... 三十

巧相避。趨捷跳過八隻舟。

能登守  
教經

水濱誰復問平家。劍壘銷沈蟹支沙。裂帛一聲  
吹鬼火。寄將冤恨在琵琶。

國詩史畧卷之上



國詩史畧卷之下

仙臺 大槻清宗 著

後鳥羽帝朝四首

帝文治二年丙午即南宋  
孝宗淳熙十三年自神武

至此九一十八  
百四十二年

新開霸府代兵權。誰道金甌飲不全。莽操覬覦  
長絕跡。絲絲皇紉萬斯年。

文治二年源賴朝為總追  
捕使是為武人大君之始

國詩史畧卷之二

國詩史畧卷之二

國詩史畧卷之二

源家兄弟兩超倫。小忿何心廢懿親。纔剪鵲鴿  
原上草。蕭牆已有牝雞晨。

老衲自忘衣袂緇。英雄接膝話兵時。出門一步  
便行脚。投與銀貓舛小兒。

西行法師

一奉袞裯妾亦臣。包羞且舞鶴岡春。縵車歌罷  
雙行淚。灑向芳山踏雪人。

義經 姬靜

土御門帝朝六首

帝正治元年己未即  
宋寧宗慶元五年

武門創業見巍巍。儉素家風世未知。為是奢華  
傷士氣。快刀手截侍臣衣。

賴朝嘗召藤原俊兼。衣服鮮麗。賴朝命取  
其刀親截其裔。戒之曰。若千葉土肥。芥廉  
薄。自持多養士。卒汝何不思之。

燕翼無謀貽子孫。報他舊德至情存。我頭不斷  
留吾髮。盡是池尼纈纈恩。

池尼即池禪尼纈  
纈源五盛安也

英雄心跡不難量。寧問子孫三世亡。赫赫生前  
大功業。一棺纔闔落冥茫。

我恠隱謀扶霸功。曹家文若克全終。屠豚殺犬  
渾無管。獅子身中有寄蟲。

大江廣元 藤原兼實曰賴  
朝委任廣元猶獅子身中蟲

簾內執權才絕倫。早知子奪屬家臣。嫁將一面  
菱花鏡。買夢分明是買真。

尼將軍  
政子

追捕功成威力加。鑰都坐領小京華。君尤臣劾  
何神速。纔奪朝權便奪家。

北條  
時政

順德帝朝四首

帝建曆元年辛未即  
南宋寧宗嘉定四年

三世將軍劊守勞。幡神帳外一宵刀。連天霸氣  
瞥然盡。華表鶴鳴銀杏高。

賴朝起兵至實朝被  
弑三世四十年而亡

帝為源宗討賊臣。諸豪勿負故家恩。惜哉承父

不出此激怒姦雄訴大寃

後鳥羽上皇討北條氏

十九萬人先啓行海山分路入皇京。君王好戰未心飽更進二十餘萬兵。

竄流天子即陪臣悖逆古今無比倫。誰測老天憐萬姓放還到底愛民人。

後堀河帝朝三首

帝貞應元年壬午即南宋寧宗嘉定十五年

鎌倉不改舊山河。執命陪臣權更多。護衛京城

鎮天下。新開兩府六波羅。

身將節儉自扶持。天下小康民忘疫。商畧高僧

教寡慾。無為亦有有為時。

北條泰時嘗見僧高辨問治國之要高辨曰是在子之心苟寡慾則人人化德

而嚮風矣泰時服膺其言果風化大行

後深草帝朝三首

帝實治元年丁未即南宋理宗淳和七年

業鏡高懸三十年。臨終大道始坦然。前途尚有閻王怒。不向西天歸國權。

最明寺時類

誰似能勞文伯母。清風松下老禪尼。細心效績

何周密糊補破窓。綠格移。

時類母松下禪尼國語公文伯母曰君子能勞後世有繼男女效績愆則有碎

敝帽褻衣君且寬。鼓門剥啄夜將闌。一條紙燭

照殘鼓。來助酣醺終夕歡。

大佛陸奧守宣時

後宇多帝朝二首

帝弘安四年辛巳即元世祖至元十八年

肯使腥羶染帝州。太郎廟算有餘籌。他年大捷

龍山快。已在龍門斬使秋。

相模太郎時宗建治元年斬且曾數

運用自存方寸中。授他裨將禦胡戎。倒檣未斬

鬚奴盡。一竿狂風奪汝功。

弘安四年六月元虜兵據五龍山鎮西探題北條實政督兵壓岸而陣部將草野七

郎夜襲燒虜船殺十餘人河野通有以輕舸進倒檣為梯登虜艦殺數十百人我兵

繼進力戰虜退保鷹島范文虎懼先逃閏七月大風起虜艦敗虜爭上陸擊殲之

按弘安諸將苦戰殲敵如此而舉世歸之神風之力何耶

後醍醐帝朝十八首

帝元弘元年辛未即元明宗至順二年

群葵哮嗽闔盈庭。田樂歌終醉未醒。只見眼前

天狗舞。不知圓頂是妖靈。

玉川北條高時

笠山南指萬峯間。天下真成容座難。且借巖陰

供假寐。松風拂露御衣寒。

帝歌曰指天往笠置乃山遠出志與利天加下仁波隱如毛無藤房和曰奈何世

武賴武陰登天立寄波猶袖奴羅源松乃下露

櫻樹題詩表寸忠。君王喜色動春風。誰知五字

長城外。十字長城有此公。

備後三郎高德

般若門前報曉光。賊兵亂入索親王。經函探盡

啞然笑。大塔不逢逢大唐。

護良親王嘗居延曆寺大塔下因稱大塔宮

城門屠腹氣何雄。誰敵親王鮮血紅。今日寧論



北宮黜賣降紀信讓奇忠

左馬權頭村上義光親王嘗見義光為北宮黜

豐聰太子策無餘算到九十五代初留得千年

未來記所他良將戮東魚

天王寺藏上官太子未來記或云非真以此事楠子蓋託以固人心耳

披山帶壑陣營成捍禦應機善用兵八十萬人

攻不陷忠臣一膽是長城

楠正成築千劍破城據焉

雲橫絕島海波收南指船山送御舟正是東軍覆巢窟金剛山下解圍秋

元弘三年帝出隱岐幸船上山

關東罪惡貫盈天何事能支九世安勤儉家風

傳祖法留心民事不貪官

北條氏以陪臣執天下權者九世百二十餘年而亡

九世報讎翻手間人神共怒豈非天却憐承久誤時會瘴雨蜚風十九年

朝發雲州。天馬來呼祥。喚瑞奏諛辭。九重自有神龍出。一諫晦蹤千里之。

藤原藤房數言政事得失不聽及其諫天馬遂棄官而去不知所之

棄兒餒賊。豈人情土窟幽囚事。可驚誰料艷妻中夜泣。鼓將簧舌壞維城。

大塔宮費於土窟蓋足利直義使人弑之也

天子蒙塵運未傾。勤王諸將尚縱橫。賊圍可潰死傷勇。無乃斯公太早生。

延元元年正成戰死於湊川

奉駕東山誘賊師。絕其糧道夾攻之。君王不用十全策。枉使忠臣死海碕。

蓋參議藤原清忠沮之也

可無下物佐高筵。海鷗攫魚飛墜船。餘一謾誇穿扇技。冲天有箇四郎弦。

本間孫四郎忠秀

君王好色愛其妃。百姓不同同阿誰。國賊難除

憐一將。內家裝裡賜吳姬。

藤原行房妹入宮充掌侍有姿色義貞夜直見月下彈琴心艷焉贈歌道情不報帝聞憐之至延元初曲宴賜酒副以掌侍義貞專愛繼繼無復進征之志義者憾焉

西來大敵苦驅除。人道虞姬掣後裾。討賊未終吞恨死。誓天猶繫錦囊書。

延元三年左中將義貞戰死於越前

花擁行宮春酒馨。芳山深處小朝廷。當初一夢終成讖。南木之陰御座寧。

後村上帝朝七首

帝興國元年庚辰即元順宗至元六年

誣奏忠臣飾叛心。寺門切髻泣丹忱。恠來逆賊霸天下。權譎愚人謀亦深。

足利高氏

買積還珠。天子仁艷姬也喜嫁忠臣。丈夫須曝河邊骨。忍作春閨夢裡人。

楠正行辭辯內侍歌曰登天毛世仁長良布可毛有奴身乃假乃契遠奈何天結武  
史家特筆有誰傳。野乘紛紛多倒顛。一部神皇

正紗記春秋遺旨在新編。

源親房正紗記成於興國元年

讀到延元慨以慷南風不競北方強無端記得

王彭語劉敗鬢眉曹敗狂

按王彭曰塗巷小兒聽說古話劉玄德敗則鬢眉出涕曹操敗則狂喜

中原戎馬陣雲連轉瞬朝南暮北天避世東山

耽筆視徒然之草宣徒然

兼公未必勝西公一味禪心各種風均是前朝

北面士嘯傲玩世將無同

僧兼好閑居東山吉田寂於北朝觀應元年

桑門老宿獨清軒始講程朱道學源他日修成

太平記果磨筆削得公論

僧玄慧號獨清軒

後龜山帝朝二首

帝正平廿三年戊申即明太祖洪武元年

忠臣一去學夫權南北休兵十二年應是男兒

忍羞辱容身賊窟息民肩

楠正儀降於正平末歸順於弘和初中間十二年

中朝文字落浮屠。翡翠蘭苔優有餘。且向五山

求巨擘。只推絕海掣鯨魚。

僧絕海應安中入明太祖問徐福事絕海賦詩答之曰熊野峯前徐福祠滿山藥草雨餘肥只今東海波濤穩萬里長風好早歸

後小松帝朝三首

帝應永元年甲戌即明太祖洪武廿七年

休將擁立咎姦雄。正閏雖分胤則同。骨肉禮成

南北合相傳。神器到無窮。

元中元年南北混一

輔成幼主豈無功。燕翼謀存五戒中。最是斯翁

見機早起尋禪榻。卧清風。

細川賴之削髮號常久作詩曰人生五十愧無功花木春過夏巳中滿室蒼蠅掃榻卧清風

鹿苑寶幢金碧光。三層高閣北山莊。果然玩物

喪其志。甘受朱家茶獻王。

鹿苑院義滿

明宣宗宣德四年  
石屑隱居

後花園帝朝二首帝永享元年巳酉即明宣宗宣德四年

購籍置田存典刑。一鬢絃誦子衿青。講文亂世

誰堪比。五季老馮刊五經。

安房守上杉憲實其領邑有足利學校歲久衰廢憲實繕修之為置土田購書籍生徒日盛當干戈騷擾之時足利之學獨著天下云

莫將三尺侮圓顛。三國之君不易圖。鷄飼曲終

頭輒落。任他醉客踰垣趨。

嘉吉元年赤松滿祐弒大將軍義教

滿祐為人矮陋義教呼曰三尺入道

後土御門帝朝三首帝應仁元年丁亥即明憲宗成化元年

猿攬犬挈為敵讎。無端殺運逼皇州。應仁一結

東西陣。戰到慶長纜便休。

應仁之亂按細川勝元申年生山名宗全戌年生

滿載人頭八輛車。黑風吹血暗京華。東山別有

間天地。鼙鼓聲中鬪品茶。

東山義政

山仰富峯人。道灌築城江戶果前緣。百年卜得

國詩之集卷下 十二 石屑隱居

繁華地門泊西洋萬里船

按今之大城即太田道灌所經始而洋船旋泊有如此者

後柏原帝朝二首明帝永正元年甲子即明孝宗弘治十七年

當此虎爭龍鬪秋誅姦討逆有餘謀遙遙仗劍

行千里據險鑿開關八州

北條早雲取伊豆荊山據焉

流寓羈人畫策深暗中何處散千金八州猛士

供鷹犬不是英雄誰攬心

早雲嘗召儒士說兵書曰主將之法務攬英雄之心早雲聞之曰止吾既得之矣是其所所以雄霸八州歟

後奈良帝朝二首帝天文元年壬辰即明世宗嘉靖十一年

屹然巖島立中流憶起松郎齧亂遊休嘆從奴

祈藝主神靈冥護十三州

毛利元就知名松壽丸

海天風雨助奇兵半夜艤艫破浪行誰道亂離無義戰水濱問罪戮狂鯨

元就誅陶賊於嚴島

正親町帝朝九首

帝天正元年癸酉即明神宗萬曆元年

越奇峻正各誇功。建幟中原志已空。四郡之爭

兒戲耳。到頭角力決雌雄。

甲越川中島之戰

海倒山崩城欲傾。三原大勝未收兵。何來暗砲

飛過耳。寥亮猶聞尺八聲。

武田信玄其攻野田城中銃病創遂死於信州去年詠松間花云立並布加比古

曾奈計連山櫻松仁千年乃色波奈良波天終成讖云

爭鹿中原舍我誰。北人技倆彼何知。千軍未發身先死。遺恨京城皮履兒。

上杉謙信謙信卒於天正六年後信玄五年矣雅好藝文九月十三夜會諸將宴飲賦詩曰霜滿軍營秋氣清數行過雁月三更越山併得能州景遮莫家鄉念遠征

十三世業一朝亡。寄跡雄藩殘喘長。末路差強人意處。不將家姓假猿郎。

足利義昭足利氏十三世二百餘年而亡義昭亦好藝文其在近江賦詩曰落魄



江湖暗結愁孤舟一夜思悠悠天  
公亦憫吾生吾月白蘆花淺水秋

滅駿亡濃神速中無端入洛壯  
皇宮尊王高義足千古不獨然除緇賊功

總見公織田信長

十萬精兵破甲還凱歌徐入駿河間  
寰區大半歸孤掌快觀扶桑第一山

公西歸枉路觀富岳於東海

遜辭恭色飾其真却笑豺狼不顧身  
自殺一間

襟慈母甘心又作執君人

明智光秀孟叟云殺父之父人亦  
殺其父然則非自殺之也一間耳

天錫英雄宣偶然為叢毆爵有狂鷗  
放他猴面

平區宇明眼應歸小早川

羽柴筑前守秀吉

誓梟賊首弔英靈塵戰天王山下兵  
自是天誅不旋踵一峯何必較輸贏

秀吉誅光秀按山崎之戰光秀指天王  
山令曰不取彼則輸矣秀吉令曰取此必

國言史畧卷下

嬴矣一令之下成敗判焉此說信乎否

後陽成帝朝十二首帝慶長元年丙申即明神宗萬曆二十四年

織公一跌有豐公成就尊王前後功掃盡戰塵

開紫陌連天帝關五雲中

御輦高颺金鳳凰百官迎扈燦成行雙懸日月

臨私第飽使蒼生仰末光

聚樂臨幸

戰鼓纔收茗讌茶相公屈第學千翁破甑折匕

連城價籠絡群雄墮毅中

北野茗讌

殿上使魁豪爽襟直視公卿做藝林一擲纏頭

片時散棚空三萬五千金

關白頌金

喚為吾友獨源公一洗古今凡主空華胄人奴

寧有種只將大度馭群雄

關白游鎌倉撫源征夷塑像曰我創業之友千載准子按趙秋谷詩明祖手持一

國詩史畧卷下 十六 石原隱居

咳笑園七種 國言史畧卷下

杯酒布衣劉季是吾友

兩雄偉業各千秋。一片痴情何處求。若比居然

安大佛。千群放鶴尚風流。今入之空華入

彦根侯嘗射一鶴其脚有金牌題曰建久某某年蓋源右將所放千隻之一也侯感

悼立墳湖北曰瘞鶴塚錄以存奇事

山花自落豈無期。何事春風不待時。却恠大封

移輿日。多情倚柱為誰悲。

蒲生氏鄉

墜馬如松死。僅生碧蹄大捷撼韓明。翻將餘勇鼓文運。紫海洋洋絃誦聲。

小早川隆景

懸軍冒險入胡城。瑋肆生擒空有情。莫道胸中乏成算。雞林贏得夜叉名。

加藤清正

臣心如冰豈其然。滿腹雄才老倍圓。慨歎外征無紀律。欲移元帥握全權。

交系園七種 國言史畧卷下 十七 二中原隱居

國詩史畧卷下  
石原隱居

黑田如  
水孝高

相公一怒渡滄瀛。國本纔搖內難生。幸矣霜臺  
竭吾職。孤憑極諫遏親征。

淺野彈  
正長政

英雄豪舉快平生。纔到黃泉大夢醒。兩度征韓  
何所獲。一封耳塚草青青。

慶長三年  
豐太閤薨

後水尾帝朝一首 帝元和元年乙卯即明萬  
曆四十三年自神武至此

二千二百  
七十五年

枉被孤兒寡婦傾。金湯曾築浪華城。自吾得失  
無遺恨。留與後人歌太平。

元和元年大阪  
城陷豐臣氏亡

總計二百十五首

國詩史畧卷之下 止

國詩史畧卷下 十八 石原隱居



長作一時呼為詩史而義山樊  
川寓激刺於二十八字中深得  
三百篇之遺意焉宋元以下作者  
單出務道議論本色遂亡至揚  
鐵厓創詠史樂府就事命題短  
音促調此當別派視之在皇  
國混沌社諸子創製此體但其

所詠槩皆稗官野乘端士之取  
不言及賴子成以三長餘力從  
事於此則筆既渾脫論更雋永  
若夫樂府六十六題音節頓挫  
宛然鐵厓嗚呼子成逝矣使子  
成目甲寅以來之事而不得言  
於今者一托之於古如先生之

所為則其可泣可哭者與先生  
 此集四方傳唱並驅爭先亦猶  
 李杜覺雄當時豈不藝苑一大  
 觀乎而今已其人讀者於是不  
 能無遺恨矣余雖賸待學於此  
 體得失畧與聞其說因書其後  
 以為受教之地

慶應紀元乙丑小春

受業生 岡脩謹識

山岸綱書

此集四方傳唱豈驅爭先亦猶  
 李杜覺雄當時豈不藝苑一大  
 觀乎而今志其人讀者於是亦  
 欲無遠恨矣余雖雖贈得此  
 能得為之樂豈不固於此  
 對郵路矣子其小春

明治三十年六月十日印刷  
 明治三十年六月十三日發行

定價金八拾錢

著者

故

大槻磐翁

發行者

大槻文彦

東京市下谷區上根岸町百十番地

印刷者

野村宗十郎

東京市京橋區築地三丁目十五番地

印刷所

株式會社東京築地活版製造所  
東京市京橋區築地二丁目十七番地



